



# TURISTIČKI VODIČ KROZ HADŽIĆE

Hadžići, 2017.

# HADŽIĆI

K'o kiša iz vedra neba rodi se duga  
nadvi se nad moj grad,  
odvajkada znan.

Vladari gradiše dvore  
u vremena davna,  
historija znana,  
još i danas slavna.

Zujevina, rijeka bistra, kroz Hadžiće teče  
ujutro  
uvečer  
nikad stati neće...

Stari hrast prkosí vjetru,  
ponosno stoji k'o na stećku Bosanac,  
nikog se ne boji.

Iznad Tarčina je Megara, pećina stara,  
sto i jedna tajna špilja je njena  
jedinstvena drevna.

Olimpijska ljepotica Igman planina  
ponos je Hadžića, Pazarića, Tarčina.  
Žedne pojí voda Katarina.



# SADRŽAJ


4 - 8	O Hadžićima
9 - 13	Igman i Brezovača
14 - 17	Crepljani; Tvrđava Gradac
18	Spomen-soba Kahrimani
19 - 21	Stari hrast; Tisa
22 - 24	Planinarski domovi
25 - 28	Sarajevo Resort Osenik; Ergela – Ranč za konje Laazy Horse
29 - 31	Vrelo Katarina; Hilmi ef. Šarić
32 - 37	Tarčin Forest Resort
38 - 47	Pećina Megara; Stećci; Spomenik na Ivan-sedlu
48 - 56	Seoski turizam; Biljni svijet



# TURISTIČKI VODIČ KROZ HADŽIĆE

KARTA KULTURNO-HISTORIJSKOG I PRIR. NASLJEĐA OPCINE HADŽIĆI

Karta radena na osnovu podataka iz monografije „Hadžići od najstarijih vremena do 1992.“  
Autor: V. Aladuz





## O HADŽIĆIMA UKRATKO

- Ako s nama obiđete turističke destinacije koje nudimo u našem malom Vodiču, upoznat ćete naš grad od njegovog nastanka do danas.
- U tome će vam pomoći fotografije najznačajnijih mjesta i objekata.
- Na malom prostoru Hadžića upoznat ćete nekadašnji, ali i današnji način života, jer se ovdje prošlost i sadašnjost prepliću već stotinama godina. Sazvučje prošlosti i sadašnjosti čine ovaj mali grad – velikim.



- Na prostoru Hadžića u periodu prahistorije, postojala je primarna komunikacija koja je dolinom rijeke Neretve išla u Istočnu Bosnu.
- Uočljivo je da su prahistorijska naselja (Gradine) bila smještена na obroncima Ormanja, Bjelašnice i Igmana te u dolini rijeke Zujevine. Od arheoloških lokaliteta izdvajaju se hronološki nedefinisani u Tinovu brdu, Gradelju i Gradini (Gradac).

## TURISTIČKI VODIČ KROZ HADŽIĆE



- Prvi pisani trag o naselju Hadžići nalazimo krajem XVIII stoljeća.
- Narodna predaja kaže da su živjela dvojica braće, koji su bili mehandžije. Zbog bojazni da su mnogo grijesili, otišli su na hadž. Otuda ime Hadžići.
- Urbani razvoj naš grad doživljava tek nakon Drugog svjetskog rata.



## Geografski položaj Hadžića

- Područje općine Hadžići po geografskoj dužini se prostire od  $18^{\circ}$  do  $18^{\circ} 22'$  i. g. d. Najjužnije tačke općinskog područja su vrhovi Bjelašnice: Vukovo polje, Mali Visin, Javorak i Krvavac, a najsjevernije Batalovo brdo i Gladno polje.
- Najistočnija tačka je Veliko polje na Igmanu, a najzapadnija Veliko šljeme 1543 m nadmorske visine. Najveću nadmorsku visinu općine ima vrh Krvavac 2062 m, a najniža tačka općine je Mostarsko raskršće 513 m. Ovo područje nalazi se jugozapadno od Sarajeva i Sarajevskog polja.

## TURISTIČKI VODIČ KROZ HADŽIĆE



- Planine Igman i Bjelašnica su popularna odredišta za planinarenje i skijanje.
- Za vrijeme Olimpijade na Velikom polju su se održavala takmičenja u nordijskim disciplinama: smučarskom trčanju i biatlonu, a na Malom polju u skijaškim skokovima i letovima.
- U posljednjem ratu, nažalost, uništeno je mnogo turističko-ugostiteljskih objekata, ali život se polahko vraća na olimpijske planine.




## Brezovača

- Planinarski dom "Brezovača" nalazi se u podnožju planine Igman, daleko od gradske buke, a njegova vrata otvorena su za sve posjetioce.
- Do Doma se laganim hodom iz Hadžića može stići za dva sata.
- Sa ovog mjesta posjetioci mogu obići Golo brdo i Malo polje na Igmanu. Brezovaču vole i ljubitelji brdskog biciklizma.

## TURISTIČKI VODIČ KROZ HADŽIĆE



- Ako posjetite „Brezovaču“, zasigurno ćete uživati u ukusnoj domaćoj hrani i čistom planinskom zraku.
- Dom ima na raspolaganju šesnaest kreveta i dva kupatila. Okolni prostor je lijepo uređen za sportske aktivnosti: odbojku, košarku, mali nogomet, a tu su i ljunjačke za djecu.



- Igmanski marš je jedna od najpoznatijih i najslavnijih epizoda iz perioda Narodno-oslobodilačke borbe i jedinstvena operacija te vrste u svijetu. Igmanski marš izveden je u noći između 27. i 28. januara 1942. godine, po dubokom snijegu i velikoj hladnoći od -38 stepeni, a 800 pripadnika Prve proleterske pješačilo je 17 sati. Taj marš postaje legenda. Grupa spomenika posvećenih Igmanskom maršu u Sarajevu proglašena je nacionalnim spomenikom Bosne i Hercegovine.
- Nacionalni spomenik se sastoji od deset spomen-obilježja, a na našoj općini nalaze se:
  - Spomenik na Velikom polju,
  - Spomen-kosturnica na Brezovači,

## TURISTIČKI VODIČ KROZ HADŽIĆE



- Spomen-obelisk na Brezovači i
- Spomen-obelisk na Velikom polju.
- Dvadeset ljudi, pripadnika aktivnog i rezervnog sastava SJB Hadžići pod okriljem noći zaposjeli su prostor Brezovače. Više srcem negoli oružjem uspjeli su se oduprijeti „Belim orlovima“ i JNA te ih protjerati sa Igmana. Sve što se dešavalo nakon toga historija će zabilježiti kao najčasniju i najsvjetliju borbu Armije Bosne i Hercegovine i njenog otpora agresiji na našu državu.



## Crepljani

- Najveću površinu Resorta će pokrivati privatne parcele sa kućama koje će moći primiti preko 2.300 stanovnika.
- Centralna i najveća zona javnog prostora je pejzažna cjelina sa tri vještačka jezera.
- Jezera će biti međusobno povezana kanalima.
- Od ostalih sadržaja u naselju će se nalaziti: centralna džamija, city centar, zatvoren bazen, hotel (četiri zvjezdice), upravno-administrativna zgrada, supermarket, kućica za čuvare, kafeterija/caffe/ slastičarna i mini-market.

## TURISTIČKI VODIČ KROZ HADŽIĆE



- Javni prostor čini zona za sport koja obuhvata sportske terene za tenis i mali nogomet, zatvoreni i otvoreni bazen, džamiju i restoran.



## Tvrđava Gradac

- Gradac se prvi put spominje 1355. godine u vrijeme kralja Tvrtka kao kraljevski grad, a naziv lokaliteta koji se nalazio uz njega, Kraljevi Vrtovi.
- Navodi se u osmanlijskim popisima džizije, koji su izdati 1488/89. i 1490/91. godine.



- Gradac je smješten u blizini naselja Hadžići.
- Ovdje se nalazi i nekropola stećaka.
- Od utvrde koja se vidi sa magistralnog puta M-17, sjeverno i sjeveroistočno od nje, nalazi se Varda stijena.



## Spomen-soba u Kahrimanima

- Spomen-soba je svjedok ratnih događanja u 9. brdskoj brigadi u periodu od 1992. do 1995. godine.
- Ovdje posjetioci mogu pogledati videoprezentacije, fotografije i čuti izlaganje o tadašnjim dešavanjima.



## Stari hrast

- U Pazariću kod Hadžića postoji stari hrast. Naučnici su došli do zaključka da je star više od 500 godina i stavljen je pod zaštitu države.
- Ispod stabla, na dubini od nepunog metra, prije 30 godina pronađene su sablje i posude iz osmanlijskog perioda. U unutrašnjost hrasta može stati desetak odraslih osoba.
- Obećano je da će se oko hrasta uređiti parkovna površina i postaviti ploča, ali to još nije učinjeno.
- Stari hrast dočekuje i ispraća generacije.



- Neki ljudi vjeruju da je ovo mistično drvo puno čarolije i tajni.
- Smatra se da donosi sreću, da štiti od neprijatelja, zlih duhova, uroka i nesreće, ali je istovremeno i otrovno. Sadrži otrovan alkaloid taxin.



- Priča se da su ga ljudi sadili ispred kuće, ušivali u odjeću te pravili nakit koji je služio kao hamajlija i štitio ih od zla. Vjerovali su u tajne moći ovog neobičnog drveta.
- Fascinantno stablo tise nalazi se u avliji rahmetli Kasima Bajrića.



## PLANINARSKI DOM „Ibrahim Fejzić Deda“

- Dom je sagrađen u alpskom stilu. Ima sve karakteristike i sadržaje manjeg motela, ali je prije svega prilagođen za dnevni boravak i noćivanje manjih i većih planinarskih grupa.
- Od Pazarića do Doma se može doći iz dva pravca: preko Lihovaca i Vrbice.
- Za oba pristupa potrebno je oko dva sata hoda. Odavde planinari mogu napraviti uspone markiranim stazama: na vrh Hranisave (1964 m), vrelo Kradenik, vidikovac na Kozjači i Djevojačke stijene, pećinu Megara.



## PLANINARSKI DOM „Podgradina“

- Planinarski dom "Podgradina" otvoren je svakog vikenda ako to dozvoljavaju vremenski uslovi, a drugim danima po dogovoru sa domarom. Okružen je gustom šumom, a smješten je ispod Gradinske stijene. Na platou ispred Doma nalaze se: klupe, hladnjak i veliki roštilj, pa se u toku ljeta, nakon planinarenja ovdje nastavljaju druženja. Služe se raznovrsna kuhanja jela kao i osvježavajući napici.
- Dom raspolaže sa 20 ležajeva u sobama koje se nalaze na spratu, zatim velikim dnevnim boravkom, kuhinjom te unutrašnjim toaletom. Dolazi se: preko Šavnika i Hobera za (2 h); preko sela Ljubovčići, pa stazom preko Bora (1. 30 h); preko sela Lokve, makadamskim putem do Salihagine bajte (10 km), pa onda stazom do Doma (20 minuta). Staza preko Hobera se ne preporučuje zimi kada je veliki snijeg. Planinarenje: Stanari (1 h), Sitnik (1. 30 h), Opservatorija (5 h), Hranisava (2 h) i Lokvanjsko jezero (2 h).




## PLANINARSKI DOM „Šavnici“

- Objekat raspolaže sa deset ležajeva, dnevnom sobom kao i kuhinjom u pomoćnoj zgradi. Dom je opskrbljen tekućom vodom i strujom. Otvoren je vikendom, a po potrebi uz najavu.
- Do Doma se može doći pješice od željezničke i autobuske stanice u Pazariću (oko sat hoda), ili automobilom do sela Ljubovići, pa pješice do Doma (20 minuta). Planinarenje: Dom "Šavnici" je polazna tačka za obilazak Bjelašnice i ostalih domova: Podgradine (1.30 h), Stanara (2.30 h), Sitnika (3 h), Hranisave (3.30 h), Opservatorija (6 h) i Mehine Luke (2-3 h). Domom upravlja PD "Bjelašnica", Sarajevo.



### Sarajevo Resort Osenik

- Planinske ljepote Bosne i Hercegovine kao i njen geografski položaj u neposrednoj blizini Jadranskog mora, više od dvije decenije privlače strane investitore koji žele dati svoj arhitektonski pečat ovom dijelu Evrope.
- Sarajevo Resort Osenik je oaza za goste sa Bliskog istoka koji će u blizini olimpijskih planina Bjelašnice i Igmana, kao i glavnog grada Bosne i Hercegovine, Sarajeva, pronaći mir i užitak u ljetnim mjesecima.



## Sarajevo Resort Osenik

- Sarajevo Resort Osenik ima 160 objekata raspoređenih oko vještačkog jezera površine 12.000 m<sup>2</sup>.
- Resort će raspolagati svim rekreativno-zabavnim sadržajima: supermarketom, natkrivenim bazenima, terenima za fudbal, košarku, odbojku, salama za bilijar, stoni tenis i drugo.



### ERGELA

- Ergela (hergela) je stočarsko gospodarstvo na kojem se uzgajaju visokokvalitetni konji.
- Može imati jednu štalu ili cijeli kompleks štala.
- Na području općine Hadžići nalazi se poznata ergela pod nazivom Lazy Horse.
- Smještena je u Aleksićima /Lukama u blizini Tarčina.




- Ranč za konje Lazy Horse, smješten na površini od oko 6 ha, nadomak Tarčina, a samo 30 km je udaljen od Sarajeva.
- Na i oko Lazy Horse ranča adaptirane i obilježene su jahaće staze, koje se razlikuju po dužini (1,5 km – 10 km) i visinskoj razlici (70 m – 370 m).
- Nije isto jahati širokim utabanim šumskim putevima i planinskim proplancima i jahati kroz gusto obrasle šume.
- Kombinacijom različitih lokalnih jahaćih staza također može se jahati više sati, ne prolazeći kroz iste krajolike, a uvijek biti veoma blizu ranča.
- Oni koji žele samo da osjete čari terenskog jahanja i uz to naprave novu cool fotografiju, tu su kratke staze u prekrasnoj prirodi, u trajanju od samo dvadesetak minuta.



- Katarina Vukčić Kosača-Kotromanić je bila supruga kralja Stjepana Tomaša i bosanska kraljica.
- Najstariji stanovnici Tarčina pamte priče starijih ljudi. Prilikom bijega iz Kozograda i Kreševa, kraljica se preko Tarčina, Konjica i Počitelja zajedno s kraljevskom pratnjom povukla do Stona. Zaustavila se u Tarčinu, napojila svog konja i konje 40 plemića, koji su bili u njenoj pratnji. Od tada je ovo vrelo dobilo njeno ime Katarina.





- Hilmi-ef. Šarić rođen je u Vukovićima 1878. god.
- Bio je izuzetno obrazovan, pobožan i cijenjen čovjek.
- Poznavao je sva tri orijentalna jezika: turski, arapski i perzijski.
- Besplatno je vršio vjersku pouku u našoj školi.
- Kod džematlija je uživao veliki autoritet jer je vlastitim primjerom i praksom ukazivao drugima kako treba da se ponašaju.

## **TARČIN FOREST RESORT**

- U toku je izgradnja Tarčin Forest Resorta, projekta vrijednog 45 miliona eura.
- Prva faza izgradnje kompleksa Tarčin Forest Resort, koja je počela u martu 2016. godine i trebalo bi da bude završena krajem ove građevinske sezone.
- Projektom je predviđena izgradnja Wellness & Spa hotela na površini od 6000 m<sup>2</sup>, 22 stambene zgrade sa 176 stambenih jedinica, 135 individualnih stambenih objekata površine 150 m<sup>2</sup> kao i dodatni sadržaji za rekreaciju u prirodnom okruženju.
- Kompleks Tarčin Forest Resort je projektovan u skladu sa prirodnim okruženjem, sa upotrebom završnih materijala u skladu sa ambijentom. Investitor projekta je TIDC - Tarčin International Development Company.

**TARČIN FOREST RESORT**



**TARČIN FOREST RESORT**










## TURISTIČKI VODIČ KROZ HADŽIĆE





## PEĆINA MEGARA

- Megara (poznata i kao Kuvija) je pećina u općini Hadžići, jugozapadno od Sarajeva.
- Smještena je kod mjesta Gornja Bioča, a u njenoj blizini je izletište Lanište, od kojeg do Megare vodi uređena staza.
- Nalazi se u zapadnom dijelu planinskog sklopa Bjelašnice. Ulag u pećinu, dugu 220 m, je na nadmorskoj visini 1290 m.

## MEGARA CAVE - Bjelašnica Mt.

Municipality of Hadžići

Project: The valorisation of Megara Cave

Cave map: Štefan Šćepan  
Slovene team: Roman Černe, Karin Škuljnik, Luka Lukšič, Blažen


Participating organisations:  
 - Faculty of Geology Zagreb  
 - Geopaleontological Society of Bosnia and Herzegovina  
 - Croatian Geopaleontological Society Zagreb  
 - Geological Society of Mountain Engineering Association Dubrovnik-Kukuljanovac

Cave depth: 133,3 m  
 Cave length - main: 237 m  
 - horizontal projection: 243 m  
 Computer aided design: Goran Bošković  
 Compiled: June 2013



- KEY:**
- Identified networks of cave flows
  - Paleogeographic process
  - Proposal for educational panels in the cave
  - Exhibits
  - Periodical or permanent drilling water
  - Different forms of speleothems
  - Decorated area of the final hall
  - Proposal for a round path through the cave

Educational panel motif	Educational panel content
01	Showing information panel on selected area and description of the cave
02	General information about caves and speleology
03	Geobiocenosis - biostratigraphy
04	Exhibits room for paleogeographical evidence, specimens...
05	Periodical or permanent drilling water
06	Birds - possible paleogeographical hypothesis, names...
07	Importance of Megara cave - speleothems
08-09	Information about cave drilling in Megara cave
10	Section of cave floor





- Završava dvoranom širokom 27 m i dugom 40 m, s visinom preko 13 m. Iskopavanja koja su vršena 1892. godine, obavio je češki arheolog i hemičar František Fiala iz Zemaljskog muzeja u Sarajevu.
- Tom prilikom su pronađene kosti pećinskog medvjeda. U ovom dijelu Evrope, lubanje iz Megare veće su od svih poznatih lubanja pećinskog medvjeda.
- Istražavinja su vršili hrvatski geolog i paleontolog Dragutin Gorjanović - Kramberger i Mirko Malez s Instituta za geologiju kvartata iz Zagreba.
- Pećina je poznata i po jednom stalagmitu koji podsjeća na lava. Ovdje je krajem 19. stoljeća, nastala prva fotografija u unutrašnjosti neke pećine u Bosni i Hercegovini.



### STEĆCI

- Stećci su srednjovjekovni nadgrobni spomenici koji predstavljaju najzanimljiviju i najznačajniju pojavu u umjetnosti stare Bosne.
- Drevni narodi ove zemlje su ostavili svoje oznake na grebenima i planinama, gdje god su se naseljavali. Ova vrsta srednjevjekovnih grobalja je specifična za ovo područje i oznaka je bogumilske vjere.
- Na njima su uklesani drevni simboli – svi povezani sa zemljom, porodicom, suncem, mjesecom, plemenskim ratnicima, plesom i hvaljenjem prirode. Veliki broj stećaka star je više 700 godina i sadrži dragocjena svjedočanstva o prošlosti Bosne i Hercegovine.



Stećak na Gomjenici, pilana „Klejton“ - Gradac (fotografija: Derviš Jasika)



- Većina lokacija na našoj općini je ugrožena i postoji potreba da se zaštite od devastacije i propadanja, a neke već devastirane lokacije zaslužuju adekvatno zbrinjavanje i premještanja na bolja i sigurnija mjesta kao što su javne površine, školska dvorišta i sl.



Nekropola stećaka Medvjedice






## **STEĆCI I GROBLJA NA PODRUČJU MZ BUDMOLIĆI**

- Lokacije:
  - „Nisputnica“ (3 stećka)  
Budmolići
  - “Čičkovo”
  - (nema tačnog podatka) Budmolići
  - “Osmanlijsko /svatovsko groblje” (iznad Gornje Bioče)
  - “Osmanlijsko/svatovsko groblje” (u blizini Raglja)



### Ivan-sedlo

- Poseban značaj lokacije na Ivan-sedlu je činjenica da se nalazi na granici dvaju, klimatski različitih područja, kontinentalnog i mediteranskog.
- Jedinstvena mreža međunarodnih fenoloških vrtova, prema standardima Svjetske meteorološke organizacije (SMO), uspostavljena je prije više od 60 godina, a na Ivan-sedlu fenološki vrt postojao je od 1953. do 1992. godine.



**Josip Broz Tito i Džavaharlal Nehru su zasadili „Borove mira“ 1957. godine na Ivan-sedlu.**



Nedaleko od “Borova mira” je i spomenik koji veliča borbu jugoslavenskih naroda protiv fašizma, a isti je danas prepušten zubu vremena.



# SEOSKI TURIZAM



- Seoski turizam u Bosni i Hercegovini postaje prepoznatljiva turistička djelatnost koja ostvaruje sve veće prihode za pojedinca i zajednicu. Zdrava hrana napravljena bez korištenja vještačkih đubriva i aditiva, čist zrak, prekrasna široka prostranstva brdsko-planinskih predjela u blizini gradskih centara, samo su neke odlike nekih od najatraktivnijih destinacija seoske turističke ponude u Evropi.



- Mjesto za odmor i opuštanje u seoskom ambijentu mogu pružiti mnoga naša sela.
- Turistima su zanimljive destinacije u seoskoj sredini na obroncima planina, u nizinama i poljima, u kojima se živi na tradicionalan način, čuvaju običaji i njeguju prirodne ljepote svezremene i neprolazne vrijednosti. U takvim područjima žive ljudi otvorena srca i plemenite duše, koji rado primaju goste. Ponuda raznovrsnih domaćih proizvoda je privlačna turistima i rado ih kupuju.



## DOMAĆA RADINOST

- U svakom selu postoje vješti i kreativni ljudi koji prave divne rukotvorine. Moguće je lokalnu prodavnicu opremiti tako da u jednom dijelu bude kutak sa odjećom (kape, džemperi, čarape...) ili kutak sa suvenirima i ukrasima, grnčarijom, seoskim starim alatom, slikama i hranom.



- Gljive spadaju u najrasprostranjenije žive organizme na Zemlji.
- Neke gljive su jestive, a neke su otrovne.
- Kod nas možemo pronaći sljedeće gljive:
  - vrganj,
  - sunčanicu,
  - mliječnicu,
  - lisičarku,
  - šampinjone.



### Ljekovite biljke

- Ljekovite biljke se koriste u službenoj ili narodnoj medicini za liječenje bolesti ili očuvanje zdravlja ljudi. Danas se koristi oko 10 000 vrsta biljaka i posvećuje im se velika pažnja zbog pronalaženja boljih lijekova, manje štetnih za ljudski organizam.
- Kod nas se mogu pronaći:
- kamilica, majčina dušica, nana, kadulja, hajdučka trava/ranjenik, kopriva



- maslačak, vodopija, kadulja, kantarion, kunica, zova



### Voće i povrće

- Na području naše općine uspijeva raznovrsno voće: šljiva, jabuka, kruška, zerdalija, trešnja, višnja, kajsija, orah, grožđe, ribizle, aronija.
- povrće: krompir, kupus, paradajz, paprike, luk, mrkva...



- šumsko voće: šipurak, malina, borovnica, kupina

**Postoji nešto što čuvamo kao najveće dragocjenosti: historijske znamenitosti, raznovrsno kulturno naslijeđe i prirodne ljepote. Postoji slika zavičaja u kojem su dragi ljudi sa kojima smo dijelili slatke tajne i najveće radosti. Postoji slika najljepša „zlatom okovana“ u srcu zauvijek zaključana.**



## **PROJEKAT SU REALIZOVALI UČENICI:**

Ajla Selimović  
Anisa Mehremić  
Aida Selimović  
Amila Kazić  
Amila Šarić  
Adna Hasić  
Arslan Smajević  
Azra Ramić  
Benjamin Maslo  
Bilal Šahić  
Hamdija Tabak  
Džejla Muhibić  
Dženan Islamović  
Enisa Fišo

Edin Šerbo  
Elsedin Keško  
Ilhana Garazlić  
Irma Šarić  
Kenan Horman  
Lejla Oruč  
Lamija Sejmenović  
Muhamed Šahić  
Mersudin Kazić  
Nedžmina Krčalo  
Sanjin Đeko  
Sarah Ramić  
Tarik Ibrica

**VODITELJICA PROJEKTA  
Aisa Sadiković, profesorica**

**POSEBNU ZAHVALNOST**

**Nerminu Subašiću, direktoru  
Alisi Šehić-Fejzić, pedagogici**

Nastavnicima/profesorima:  
**Fadili Mešanović, Mehmedaliji Salihoviću, Seadu Handži**

Općini Hadžići na čelu sa načelnikom  
**Hamdom Ejubovićem**



## BUCOMERC D.O.O.



- Niskogradnja (izgradnja, rekonstrukcija i sanacija, ljetno i zimsko održavanje cesta)
- Benzinske pumpe: BP Brestovsko – Kiseljak, BP Zovik 1- Hadžići BP Zovik 2- Hadžići
- Autodijelovi (putnički i teretni program)
- Auto servis, vulkanizerska radionica i autopraonica
- Usluge transporta
- Restoran i svadbeni salon
- Supermarket i mesnica
- Samouslužne praonice

## OBRTNIČKA DJELATNOST TABAK

Zelenilo, cvrkut ptica, priroda i čist zrak su ono što će vam priuštiti zadovoljstvo ako živite na selu. U Budmolićima, nedaleko od Sarajeva, Šaćir Tabak prikuplja gnojivo za livade na kojima će saditi žitarice, od kojih je najviše zastupljena heljda. Izabrao je da se bavi ovim poslom jer smatra da imati plodnu zemlju i dobru klimu, a ne iskoristiti to, prava je šteta. Šaćir svoje proizvode dostavlja na kućnu adresu pojedincima, a sarađuje i sa dvije pekare koje opskrbљuju brašnom.





- Nadaleko poznati hadžički brand restoran „Ribnjak“ u Žunovnici ponovno je počeo sa radom. Novi vlasnici, kompanija Bosnet Group d.o.o na čelu sa direktorom Samirom Lagarijom, napravila je prve korake u vraćanju starog sjaja i slave ovog ugostiteljskog objekta i ribnjaka.

- Hotel „Seos“ u svom prelijepom ambijentu nudi najpovoljnije cijene smještaja na području Hadžića, Ilijadža i Sarajeva. Idealno je mjesto za zimovanje u periodu skijaške sezone na olimpijskim planinama Igmanu i Bjelašnici. Pravo je mjesto za odmor i prenoćište, jer se nalazi pored magistralnog puta M17 na relaciji Sarajevo - Mostar.



**LITERATURA I IZVORI INFORMACIJA:**

- Alađuz Vahid, Monografija Hadžići. Hadžići: Općina Hadžići, 2013.
- Alađuz Vahid, Hadžićka toponimija. Hadžići: Općina Hadžići, 2016.
- Hujić Hidajet, Historijska dimenzija općine Hadžići:  
Općina Hadžići, 2012.
- Fotografije stećaka: Derviš Jasika
- Fotografija Tarčin Forest Resort: Enis Boja
- Fotografija Tarčin Forest Resort: Fadila Mešanović
- Karta kulturno-historijskog i prirodnog  
naslijeđa općine Hadžići: Vahid Alađuz

**Dizajn i grafička obrada:** Emin Smajić

**LEKTURA I KOREKTURA:** Fadila Mešanović

**IZDAVAČ:** Općina Hadžići

**ŠTAMPA:** „Stamparija FOJNICA“ D. D.

# TURISTIČKI VODIČ KROZ HADŽIĆE



Bilal Šahić VIII-2



[www.oshilmi.edu.ba](http://www.oshilmi.edu.ba)